

սպառնալ միտարանոց , և նետաճիգ լինել 'ի ներքս 'ի վանս ,
 զի բացցեն զբուռն՝ այլ վրիպեալ 'ի յուսոյ՝ դարձան յետս
 կորակոր : Եւ 'ի լուսանալ առաւօտուն Աստուածատուր
 Պատրիարք ծանոց զեղեալն Բդեշխի քաղաքին , և և նա
 առաքեաց զմին 'ի պաշտօնէից իւրոց առ դատաւորն՝ եւ
 ազգ արար նմա քննել և 'ի գիր հարկանել զեղեալն 'ի
 վանս Ս . Փրկչի . և նա առաքեաց զարս երկուս ընդ պաշ-
 տօնէի Բդեշխին , և նոքա եկեալ գտին զերիս մեծամեծ քա-
 րինս թաւալեալ առաջի դրան վանաց . տեսին զկեղեւեալ
 ծառս ձիթենեաց և զքարինս թաւալեալ 'ի գերեզմանաց ,
 եւ միաբանք բերեալ արկին առաջի նոցա զնետս ձգեալս
 յաւազակաց , յետ քննելոյ զայս ամենայն դարձան 'ի տե-
 զիս իւրեանց . յՄ Բամազան ամսոյ՝ \ օ՞՞ (1646) :

Աստուածատուր Պատրիարք հրամանաւ դատաւորին
 ձեռն արկ շինել և նորոգել զվանս Ս . Հրեշտակապետի .
 և քակեալ զիայտաչէն զերիս սենեակս 'ի կողմն հիւսիսոյ ,
 արար քարուկիր . և զերկուս սենեակս 'ի կողմն արեւելից :
 Յետ աւարտելոյ զայնս՝ եկն դատաւորն և քննեալ եզիտ
 զամենայն ինչ ըստ հրամանի իւրոյ , և ետ անդորրագիր
 'ի ձեռս Պատրիարքին :

Զայրացեալ ընդ այս այլազգեաց Երուսաղէմի՝ բողոք
 կալան առ կուսակալն Դամասկոսի և ամբաստանութեամբ
 զրպարտէին՝ թէ Հայք կառուցին զնոր շինուածս ընդգէմ
 օրինաց և հայսերական հրամանին , և նա առաքեաց զմին
 'ի պաշտօնէից իւրոց Մուրթազա անուն , թղթով առ դա-
 տաւորն Երուսաղէմի հարցանել վասն շինուածոց : Իսկ դա-
 տաւորն կոչեաց զմեծամեծս քաղաքին , ուր էր և Սարգիս
 Թարգմանն Հայոց , և ընթերցաւ զթուղթն առաջի նոցա ,
 ապա հարցին զԹարգմանն վասն նորոգութեանց , եւ նա
 արար պատասխանի . Պատրիարքն Հայոց նորոգեաց զվանս
 Ս . Հրեշտակապետի հրամանաւ դատաւորին եւ քննու-
 թեամբ այլազգեաց , և գտին զնա 'ի ձեռն առաջին . ահա-
 ռասիկ գրեանք դատաւորին և քաղաքապետին , և ընթեր-
 ցեալ գտին զամենայն ինչ ըստ հրամանին : Ապա խնդրեաց
 Սարգիս , սանձել զբռնութիւնս այլազգեաց որք տարա-
 պարտուց յարուցեալ չարչարեն զՀայս :

Յետ աւարտելոյ նորոգութեանց Ս . Հրեշտակապետի ,